DE PARTITIONE NVMERORVM IN PARTES TAM NVMERO QVAM SPECIE DATAS.

Auctore

L. EVLERO.

1.

Cum olim tractauissem problema de partitione numerorum, quo quaerebatur, quot variis modis datus numerus in duas, vel tres, vel quatuor vel generatim in tot partes, quot quis voluerit, discerpi possit, id potissimum curaui, vt in eius solutione nihil quicquam inductioni, cuius vsus plerumque in huiusmodi problematibus soluendis solet esse frequentissimus, tribuerem. Atque methodus, qua sum vsus, ita videtur comparata, vt etiam ad alia problemata aequo successu adhiberi possit, id quod vulgatissimo illo problemate, quo quaeri solet, quot modis datus numerus dato tesserarum numero proiici possit, eo quidem amplissime extenso hic ostendere constitui.

2. Quando autem quaeritur, quot modis datus numerus N datum tesserarum numerum n proiiciendo cadere possit, quaestio huc redit, quot variis

modis datus numerus N in n partes resolui possit, quarum singulae sint vel 1, vel 2, vel 3, vel 4, vel 5, vel 6, siquidem facies tesserarum his numeris sint insignitae. Ex quo nascitur haec quaestio latius patens, quot variis modis datus numerus N diuidi possit in n partes, quarum singulae sint vel α, vel β, vel γ, vel δ etc. quorum numerorum α, β, γ, δ etc. multitudo sit pariter data puta $= m$; ita vt partes; in quas datus numerus sit resoluendus tam numero quam specie dentur.

3. Concipiantur scilicet eiusmodi tesserae, quae non vt vulgo sex, sed m habeant facies seu hedras, ita vt in singulis hae facies notatae sint numeris α, β, γ, δ etc. atque iam quaeritur, si habeantur n huiusmodi tesserae, quot modis iis proiiciendis datus numerus N produci possit. Possent etiam tesserae inter se dispares assumi, ita vt singulae peculiarem haberent hedrarum numerum, quae etiam in singulis peculiaribus numeris sint inscriptae; verum ex iis quae de tesseris vulgaribus sum allaturus, etiam solutio huius quaestionis latissime patentis haud difficulter colligetur.

4. Numeros autem, quibus facies tesserarum sunt notatae, tanquam exponentes quantitatis cuiusdam x considero, ita vt pro tessera vulgari hanc habeamus expressionem $x^1 + x^2 + x^3 + x^4 + x^5 + x^6$, etc. vbi cuique potestati vnitatem pro coëfficiente tribuo, quandoquidem quilibet numerus exponente designatus

 aeque

aeque facile cadere poteſt. Quodſi iam huius expreſſionis quadratum ſumatur, quaeuis poteſtas ipſius x tantum recipiet coefficientem, qui indicet quot modis ea poteſtas ex multiplicatione binorum terminorum iſtius expreſſionis reſultare, hoc eſt, quot modis eius exponens ex additione binorum numerorum ex ordine 1, 2, 3, 4, 5, 6 produci poſſit. Euoluto ergo noſtrae expreſſionis quadrato, ſi in eo occurrat terminus Mx^N, inde colligitur numerum N binis teſſeris iaciendis tot modis prodire, quot coefficiens M contineat vnitates.

5. Simili modo euidens eſt, ſi iſtius expreſſionis ſumatur cubus $(x+x^2+x^3+x^4+x^5+x^6)^3$, in eius euolutione quamuis poteſtatem x^N toties occurrere, quot modis eius exponens N oriri poteſt addendis tribus numeris ex ordine 1, 2, 3, 4, 5, 6; vnde ſi huius poteſtatis coefficiens ſit M, totusque terminus Mx^N, ex eo concludimus numerum N tribus teſſeris iaciendis tot modis produci poſſe, quot coefficiens M contineat vnitates. Generatim ergo ſi ſumatur exponentis n dignitas noſtrae expreſſionis $(x+x^2+x^3+x^4+x^5+x^6)^n$, ea euoluta ſecundum poteſtates ipſius x, quilibet terminus Mx^N docebit, ſi numerus teſſerarum fuerit $= n$, iis iaciendis numerum N tot modis cadere poſſe, quot coefficiens M contineat vnitates.

6. Si ergo teſſerarum numerus fuerit $= n$, quaeraturque quot modis datus numerus N iis proii-

proiiciendis cadere poſſit, quaeſtio reſoluetur per euolutionem huius formulae $(x+x^2+x^3+x^4+x^5+x^6)^n$, cuius cum primus terminus futurus ſit x^n, vltimus vero x^{6n}, prodibit huiusmodi terminorum progreſſio:

$$x^n + Ax^{n+1} + Bx^{n+2} + Cx^{n+4} \ldots + Mx^N \ldots + x^{6n}$$

cuius quilibet terminus Mx^N oſtendet numerum N exponenti aequalem tot modis cadere poſſe, quot coefficiens M contineat vnitates: ex quo ſtatim elucet, quaeſtionem locum habere non poſſe, niſi numerus propoſitus N contineatur intra limites n et $6n$. Totum ergo negotium huc redit, vt iſta progreſſio ſeu ſingulorum terminorum coefficientes aſſignentur.

7. Ad hos igitur inueniendos ponatur formula euoluenda hoc modo repraeſentata

$$x^n(1+x+x^2+x^3+x^4+x^5)^n = V$$

tum vero pro eiusdem euolutione ſtatuatur

$$V = x^n(1 + Ax + Bx^2 + Cx^3 + Dx^4 + Ex^5 + Fx^6 + \text{etc.})$$

Ac poſito $\frac{V}{x^n} = Z$ erit ex priori differentiale logarithmicum:

$$\frac{x\,dZ}{Z\,dx} = \frac{nx + 2nx^2 + 3nx^3 + 4nx^4 + 5nx^5}{1 + x + x^2 + x^3 + x^4 + x^5}$$

Eiusdem autem valor ex poſteriori prodit

$$\frac{x\,dZ}{Z\,dx} = \frac{Ax + 2Bx^2 + 3Cx^3 + 4Dx^4 + 5Ex^5 + 6Fx^6 \text{ etc.}}{1 + Ax + Bx^2 + Cx^3 + Dx^4 + Ex^5 + Fx^6 \text{ etc.}}$$

 quae

quae duae expressiones inter se debent esse aequales, vnde coefficientium valores determinabuntur

8. Constituta autem harum duarum expressionum aequalitate oritur ista aequatio

$$\begin{array}{l} nx+nAx^2+nBx^3+nCx^4+nDx^5+nEx^6+nFx^7+nGx^8 \text{ etc.} \\ \quad +2n+2nA+2nB+2nC+2nD+2nE+2nF \\ \qquad\quad +3n+3nA+3nB+3nC+3nD+3nE \\ \qquad\qquad\quad +4n+4nA+4nB+4nC+4nD \\ \qquad\qquad\qquad\quad +5n+5nA+5nB+5nC \\ \hline =Ax+2Bx^2+3Cx^3+4Dx^4+5Ex^5+6Fx^6+7Gx^7+8Hx^8 \\ \quad +A+2B+3C+4D+5E+6F+7G \\ \qquad +A+2B+3C+4D+5E+6F \\ \qquad\quad +A+2B+3C+4D+5E \\ \qquad\qquad +A+2B+3C+4D \\ \qquad\qquad\quad +A+2B+3C \end{array}$$

quae binae expressiones, cum secundum singulos terminos inter se debeant esse aequales, valores singulorum coefficientium suppeditabunt.

9. Hinc autem sequentes determinationes impetrantur,

$A=n$
$2B=(n-1)A+2n$
$3C=(n-2)B+(2n-1)A+3n$
$4D=(n-3)C+(2n-2)B+(3n-1)A+4n$
$5E=(n-4)D+(2n-3)C+(3n-2)B+(4n-1)A+5n$
$6F=(n-5)E+(2n-4)D+(3n-3)C+(4n-2)B+(5n-1)A$
$7G=(n-6)F+(2n-5)E+(3n-4)D+(4n-3)C+(5n-2)B$
$8H=(n-7)G+(2n-6)F+(3n-5)E+(4n-4)D+(5n-3)C$
etc.

Quili-

Quilibet ergo coefficiens determinatur per quinos praecedentium, quibus inuentis erit

$$V=x^n+Ax^{n+1}+Bx^{n+2}+Cx^{n+3}+Dx^{n+4}+Ex^{n+5}+\text{etc.}$$

sicque problema de n tesseris in genere est solutum.

10. Si a qualibet superiorum aequationum praecedens subtrahatur, obtinebuntur sequentes determinationes multo simpliciores:

$A=n$
$2B=nA+n$
$3C=nB+nA+n$
$4D=nC+nB+nA+n$
$5E=nD+nC+nB+nA+n$
$6F=nE+nD+nC+nB+nA-5n$
$7G=nF+nE+nD+nC+nB-(5n-1)A$
$8H=nG+nF+nE+nD+nC-(5n-2)B$
etc.

Si denuo differentiae caperentur, relationes istae adhuc simpliciores essent prodituræ, hoc modo

$2B=(n+1)A$; $3C=(n+2)B$; $4D=(n+3)C$; $6E=(n+4)D$;
$6F=(n+5)E-6n$; $7G=(n+6)F-(6n-1)A+5n$
$8H=(n+7)G-(6n-2)B+(5n-1)A$
$9I=(n+8)H-(6n-3)C+(5n-2)B$
$10K=(n+9)I-(6n-4)D+(5n-3)C$
etc.

11. Hinc prout tesserarum numerus fuerit vel 2, vel 3 vel 4 lex progressionis coefficientium erit vt sequitur:

	pro duabus	pro tribus	pro quatuor
A =	2	3	4
2B =	3A	4A	5A
3C =	4B	5B	6B
4D =	5C	6C	7C
5E =	6D	7D	8D
6F =	7E − 12	8E − 18	9E − 24
7G =	8F − 11A + 10	9F − 17A + 15	10F − 23A + 20
8H =	9G − 10B + 9A	10G − 16B + 14A	11G − 22B + 19A
9I =	10H − 9C + 8B	11H − 15C + 13B	12H − 21C + 18B
10K =	11I − 8D + 7C	12I − 14D + 12C	13I − 20D + 17C
11L =	12K − 7E + 6D	13K − 13E + 11D	14K − 19E + 16D
12M =	13L − 6F + 5E	14L − 12F + 10E	15L − 18F + 15E

etc.

quilibet ergo coefficiens per tres praecedentes determinatur vbi hoc imprimis est notatu dignum, quod tandem in nihilum abeant, et postremi primis euadant pares, id quod ex hac lege minus perspicere licet.

12. Quo autem hanc legem clarius intelligamus denotet haec formula $(N)^{(n)}$ numerum casuum quibus numerus N per n tesseras produci potest, ita vt sit $(n)^{(n)} = 1$; $(n+1)^{(n)} = A$; $(n+2)^{(n)} = B$; $(n+3)^{(n)} = C$; $(n+4)^{(n)} = D$; ..... $(n+9)^{(n)} = I$ et $(n+10)^{(n)} = K$. Hinc ergo fiet

$$10(n+10)^{(n)} = (n+9)(n+9)^{(n)} - (6n-4)(n+4)^{(n)} + (5n-3)(n-3)^{(n)}$$

vnde concluditur fore in genere:

$$\lambda(n+\lambda)^{(n)} = (n+\lambda-1)(n+\lambda-1)^{(n)} - (6n+6-\lambda)(n+\lambda-6)^{(n)} + (5n+7-\lambda)(n+\lambda-7)^{(n)}.$$

Ponamus iam $n+\lambda = N$ vt sit $\lambda = N-n$, eritque

$$(N)^{(n)} = \frac{(N-1)(N-1)^{(n)} - (7n+6-N)(N-6)^{(n)} + (6n+7-N)(N-7)^{(n)}}{N-n}$$

vbi notandum est semper fore $(P)^{(n)} = 0$, si fuerit $P < n$.

13. Facilius autem hi coefficientes definiri possunt pro quouis tesserarum numero, si iidem pro tesserarum numero vnitate minore iam fuerint reperti. Si enim fit

$$(x+x^2+x^3+x^4+x^5+x^6)^n = x^n + A x^{n+1} + B x^{n+2} + C x^{n+3} + D x^{n+4} + \text{etc.}$$

ponaturque

$$(x+x^2+x^3+x^4+x^5+x^6)^{n+1} = x^{n+1} + A' x^{n+2} + B' x^{n+3} + C' x^{n+4} + D' x^{n+5} + \text{etc.}$$

erit,

erit, quia haec expreſſio illi per $x + x^2 + x^3 + x^4 + x^5 + x^6$ multiplicatae eſt aequalis

	hinc differentiis ſumendis
$A' = A + 1$	
$B' = B + A + 1$	$B' = A' + B$
$C' = C + B + A + 1$	$C' = B' + C$
$D' = D + C + B + A + 1$	$D' = C' + D$
$E' = E + D + C + B + A + 1$	$E' = D' + E$
$F' = F + E + D + C + B + A$	$F' = E' + F - 1$
$G' = G + F + E + D + C + B$	$G' = F' + G - A$
etc.	etc.

14. Quare ſi modo denotandi ante introducto vtamur, ex aequatione $G' = F' + G - A$ naſcitur haec:

$$(n+8)^{(n+1)} = (n+7)^{(n+1)} + (n+7)^{(n)} - (n+1)^{(n)}$$

quae in genere ita repraeſentabitur:

$$(n+1+\lambda)^{(n+1)} = (n+\lambda)^{(n+1)} + (n+\lambda)^{(n)} - (n+\lambda-6)^{(n)}.$$

Quod ſi iam pro $n+\lambda$ ſcribatur N erit

$$(N+1)^{(n+1)} = (N)^{(n+1)} + (N)^{(n)} - (N-6)^{(n)}$$

vbi notandum eſt quamdiu fuerit $N - 6 < n$ fore $(N-6)^{(n)} = 0$. Hinc ſimul patet omnes hos numeros fore integros, quod ex priori lege minus apparet.

Tabula

Tabula oſtendens

quot modis quilibet numerus N per n teſſeras cadere poſſit

N	$n=1$	$n=2$	$n=3$	$n=4$	$n=5$	$n=6$	$n=7$	$n=8$
1	1	0	0	0	0	0	0	0
2	1	1	0	0	0	0	0	0
3	1	2	1	0	0	0	0	0
4	1	3	3	1	0	0	0	0
5	1	4	6	4	1	0	0	0
6	1	5	10	10	5	1	0	0
7	0	6	15	20	15	6	1	0
8	0	5	21	35	35	21	7	1
9	0	4	25	56	70	56	28	8
10	0	3	27	80	126	126	84	36
11	0	2	27	104	205	252	210	120
12	0	1	25	125	305	456	462	330
13	0	0	21	140	420	756	917	792
14	0	0	15	146	540	1161	1667	1708
15	0	0	10	140	651	1666	2807	3368
16	0	0	6	125	735	2247	4417	6147
17	0	0	3	104	780	2856	6538	10480
18	0	0	1	80	780	3431	9142	16808
19	0	0	0	56	735	3906	12117	25488
20	0	0	0	35	651	4221	15267	36688
21	0	0	0	20	540	4332	18327	50288
22	0	0	0	10	420	4221	20993	65808
23	0	0	0	4	305	3906	22967	82384
24	0	0	0	1	205	3431	24017	98813
25	0	0	0	0	126	2856	24017	113688

N	$n=1$	$n=2$	$n=3$	$n=4$	$n=5$	$n=6$	$n=7$	$n=8$
26	0	0	0	0	70	2247	22967	125588
27	0	0	0	0	35	1666	20993	133288
28	0	0	0	0	15	1161	18327	135954
29	0	0	0	0	5	756	15267	133288
30	0	0	0	0	1	456	12117	125588
31	0	0	0	0	0	252	9142	113688
32	0	0	0	0	0	126	6538	98813
33	0	0	0	0	0	56	4417	82384
34	0	0	0	0	0	21	2807	65808
35	0	0	0	0	0	6	1667	50288
36	0	0	0	0	0	1	917	36688

15. In his ergo feriebus etiam proprietas §. 12 inuenta locum habet; ita si fuerit $n=6$ erit:

$$(N)^{(6)}=\frac{(N-1)(N-1)^{(6)}-(48-N)(N-6)^{(6)}+(43-N)(N-7)^{(6)}}{N-6}$$

vnde si exempli gratia $N=25$ erit

$$(25)^{(6)}=\frac{24.(24)^{(6)}-23.(19)^{(6)}+18.(18)^{(6)}}{19}$$

at est $(24)^{(6)}=3431$; $(19)^{(6)}=3906$; $(18)^{(6)}=3431$ ideoque

$$(25)^{(6)}=\frac{24.3431-23.3906+18.3431}{19}=\frac{54264}{19}=2856$$

vti tabula habet. Similiter si fit $N=29$ erit

$$(29)^{(6)}=\frac{28.(28)^{(6)}-19.(23)^{(6)}+14.(22)^{(6)}}{23}$$

hinc

hinc ob $(28)^{(6)}=1161$; $(23)^{(6)}=3906$ et $(22)^{(6)}=4221$ erit

$$(29)^{(6)}=\frac{32508-74214+59094}{23}=\frac{17388}{23}=756$$

16. Verum euolutio formulae V (§. 7) alio modo institui potest, vt quilibet terminus absolute assignetur, neque ad hoc praecedentibus sit opus. Cum enim sit

$$1+x+x^2+x^3+x^4+x^5=\frac{1-x^6}{1-x}$$

erit $V=\frac{x^n(1-x^6)^n}{(1-x)^n}$, atque euolutione facta ob

$$(1-x^6)^n=1-\frac{n}{1}x^6+\frac{n(n-1)}{1.2}x^{12}-\frac{n(n-1)(n-2)}{1.2.3}x^{18}+\frac{n(n-1)(n-2)(n-3)}{1.2.3.4}x^{24}-\text{etc.}$$

$$\frac{x^n}{(1-x)^n}=x^n+\frac{n}{1}x^{n+1}+\frac{n(n+1)}{1.2}x^{n+2}+\frac{n(n+1)(n+2)}{1.2.3}x^{n+3}$$
$$+\frac{n(n+1)(n+2)(n+3)}{1.2.3.4}x^{n+4}$$

vnde colligitur fore:

$(n)^{(n)}=1;$	$(n+6)^{(n)}=\frac{n\ldots\ldots(n+5)}{1\ldots\ldots6}-\frac{n}{1}1$
$(n+1)^{(n)}=\frac{n}{1}$	$(n+7)^{(n)}=\frac{n\ldots\ldots(n+6)}{1\ldots\ldots7}-\frac{n}{1}.\frac{n}{1}$
$(n+2)^{(n)}=\frac{n(n+1)}{1.2}$	$(n+8)^{(n)}=\frac{n\ldots\ldots(n+7)}{1\ldots\ldots8}-\frac{n}{1}.\frac{n(n+1)}{1.2}$
$(n+3)^{(n)}=\frac{n(n+1)(n+2)}{1.2.3}$	$(n+9)^{(n)}=\frac{n\ldots\ldots(n+8)}{1\ldots\ldots9}-\frac{n}{1}.\frac{n(n+1)(n+2)}{1.2.3}$
$(n+4)^{(n)}=\frac{n\ldots\ldots(n+3)}{1\ldots\ldots4}$	$(n+10)^{(n)}=\frac{n\ldots\ldots(n+9)}{1\ldots\ldots10}-\frac{n}{1}.\frac{n(n+1)(n+2)(n+3)}{1.2.3.4}$
$(n+5)^{(n)}=\frac{n\ldots\ldots(n+4)}{1\ldots\ldots5}$	$(n+11)^{(n)}=\frac{n\ldots\ldots(n+10)}{1\ldots\ldots11}-\frac{n}{1}.\frac{n(n+1)(n+2)(n+3)(n+4)}{1.2.3.4.5}$

$(n+12)$

$$(n+12)^{(n)}=\frac{n\ldots\ldots(n+11)}{1\ldots\ldots12}-\frac{n}{1}\cdot\frac{n\ldots\ldots(n+5)}{1\ldots\ldots6}+\frac{n(n-1)}{1\cdot2}\cdot1$$

$$(n+13)^{(n)}=\frac{n\ldots\ldots(n+12)}{1\ldots\ldots13}-\frac{n}{1}\cdot\frac{n\ldots\ldots(n+6)}{1\ldots\ldots7}+\frac{n(n-1)}{1\cdot2}\cdot\frac{n}{1}$$

etc.

vnde in genere concluditur:

$$(n+\lambda)^{(n)}=\frac{n\ldots(n+\lambda-1)}{1\ldots\ldots\lambda}-\frac{n}{1}\cdot\frac{n\ldots(n+\lambda-7)}{1\ldots\ldots(\lambda-6)}+\frac{n(n-1)}{1\cdot2}\cdot\frac{n\ldots(n+\lambda-13)}{1\ldots\ldots(\lambda-12)}$$
$$-\frac{n(n-1)(n-2)}{1\cdot2\cdot3}\cdot\frac{n\ldots(n+\lambda-19)}{1\ldots\ldots(\lambda-18)}+\frac{n(n-1)(n-2)(n-3)}{1\cdot2\cdot3\cdot4}\cdot\frac{n\ldots(n+\lambda-25)}{1\ldots\ldots(\lambda-24)}$$

etc.

17. Hinc solutio ad tesseras quocunque alio facierum numero praeditas accommodari potest. Sit enim m numerus facierum in singulis tesseris, quae notatae sint numeris $1, 2, 3 \ldots\ldots m$ talium autem tesserarum numerus sit $= n$, quibus proiectis quaeritur, quot modis datus numerus N cadere possit. Seu quod eodem redit, quaeritur quot modis numerus N in n partes resolui possit, quae singulae in hoc ordine numerorum $1, 2 \ldots\ldots m$ sint contentae; vbi quidem notandum est non solum diuersas partitiones, sed etiam diuersos ordines earundem partium numerari, vti in tesseris fieri solet, vbi exempli gratia iactus 3, 4 et 4, 3 pro duobus diuersis casibus habentur.

18. Quodsi ergo haec scriptio $(N)^{(n)}$ denotet casuum numerum, quibus numerus N proiiciendis n tesseris, quarum singulae habeant m facies numeris $1, 2, 3 \ldots m$ notatas, produci possit; primo notandum

tandum est fore $(n)^{(n)}=1$, et si $N < n$ esse $(N)^{(n)}=0$. Deinde si $N=mn$ est quoque $(mn)^{(n)}=1$, et si $N > mn$ erit $(N)^{(n)}=0$. Denique siue sit $N=n+\lambda$ siue $N=mn-\lambda$, numerus casuum est idem seu $(n+\lambda)^{(n)}=(mn-\lambda)^{(n)}$. Postrema autem formula praebet:

$$(n+\lambda)^{(n)}=\frac{n\ldots(n+\lambda-1)}{1\ldots\ldots\lambda}-\frac{n}{1}\cdot\frac{n\ldots(n+\lambda-m-1)}{1\ldots\ldots(\lambda-m)}+\frac{n(n-1)}{1\cdot2}\cdot\frac{n\ldots(n+\lambda-2m-1)}{1\ldots\ldots(\lambda-2m)}$$
$$-\frac{n(n-1)(n-2)}{1\cdot2\cdot3}\cdot\frac{n\ldots\ldots(n+\lambda-3m-1)}{1\ldots\ldots(\lambda-3m)}+\text{etc.}$$

19. Facillime autem hi numeri cum ex praecedentibus tum ex casibus, vbi tesserarum numerus est vnitate minor, determinabuntur. Erit enim generaliter, si singularum tesserarum numerus facierum fuerit $= m$, eaeque numeris $1, 2 \ldots m$ sint insignitae:

$$(N+1)^{(n+1)}=(N)^{(n+1)}+(N)^{(n)}-(N-m)^{(n)}$$

seu $(N+1)^{(n)}=(N)^{(n)}+(N)^{(n-1)}-(N-m)^{(n-1)}$.

Hinc si pro $N+1$ scribatur $n+\lambda$ habebitur

$$(n+\lambda)^{(n)}=(n+\lambda-1)^{(n)}+(n+\lambda-1)^{(n-1)}-(n+\lambda-m-1)^{(n-1)}$$

Denique pro eodem tesserarum numero n isti numeri ita a praecedentibus pendent, vt sit

$$\lambda(n+\lambda)^{(n)}=(n+\lambda-1)(n+\lambda-1)^{(n)}-(mn+m-\lambda)(n+\lambda-m)^{(n)}$$
$$+(mn-n+m+1-\lambda)(n+\lambda-m-1)^{(n)}$$

Ceterum notum est summam omnium horum numerorum esse $= m^n$.

20. Simili modo haec quaestio resolui potest, si non omnes tesserae pari hedrarum numero fuerint prae-

praeditae. Ponamus tres dari tefferas, primam hexaedram numeros 1, 2, 3, 4, 5, 6 fecundam octaedram numeros 1 2, 3 . . . 8 et tertiam dodecaedram numeros 1, 2, 3 . . . . . 12 gerentem: quod fi iam quaeratur, quot modis datus numerus N cadere poffit euoluatur hoc productum

$$(x+x^2+x^3 \ldots x^6)(x+x^2+x^3 \ldots x^8)(x+x^2+x^3 \ldots x^{12}) = V$$

et coefficiens poteftatis x^N oftendet cafuum numerum. Cum iam fit

$$V = \frac{x^3(1-x^6)(1-x^8)(1-x^{12})}{(1-x)^3}$$

erit numeratorem euoluendo

$$V = \frac{x^3 - x^9 - x^{11} - x^{15} + x^{17} + x^{21} + x^{23} - x^{29}}{(1-x)^3}.$$

21. Hic numerator multiplicetur per $\frac{1}{(1-x)^3}$ feu hanc feriem

$$1 + 3x + 6x^2 + 10x^3 + 15x^4 + 21x^5 + 28x^6 + 36x^7 + \text{etc.}$$

cuius coefficientes funt numeri trigonales, vnde cum numeri n trigonalis $\frac{n(n+1)}{2}$, quiuis huius feriei terminus erit

$$\frac{n(n+1)}{2} x^{n-1} \text{ feu } \frac{(n-1)(n-2)}{2} x^{n-3}$$

Iam per numeratorem multiplicando, poteftatis x^n coefficiens reperitur:

$$\frac{(n-1)(n-2)}{2} - \frac{(n-7)(n-8)}{2} - \frac{(n-9)(n-10)}{2} - \frac{(n-13)(n-14)}{2}$$
$$+ \frac{(n-15)(n-16)}{2} + \frac{(n-19)(n-20)}{2} + \frac{(n-21)(n-22)}{2} - \frac{(n-27)(n-28)}{2}$$

quae

quae expreffio autem quouis cafu non vlterius continuari debet, quam donec ad factores negatiuos perueniatur.

22. Relicto autem denominatore $(1-x)^3 = 1-3x+3x^2-x^3$ feries quaefita erit recurrens ex fcala relationis $3, -3, +1$ nata, dummodo terminorum numeratoris ratio habeatur. Hinc pro quouis exponente fequentes coefficientes inueniuntur

Exp.	Coeff.	Exp.	Coeff.
3	1	15	47
4	3	16	45
5	6	17	42
6	10	18	38
7	15	19	33
8	21	20	27
9	27	21	21
10	33	22	15
11	38	23	10
12	42	24	6
13	45	25	3
14	47	26	1

Numeri hic maiores quam 26 produci nequeunt, cum fit $26 = 6 + 8 + 12$, et omnium cafuum fumma eft $576 = 6.8.12$.

20. Cum hoc modo refolutio numerorum in partes numero et fpecie datas fine inductionis fubfidio abfolui poffit, in mentem mihi incidunt, quae-

quaedam Fermatii elegantia Theoremata, quae cum nondum ſint demonſtrata, fortaſſe haec methodus ad demonſtrationes eorum perductura videtur. Cum enim Fermatius aſſeueraſſet omnes numeros vel eſſe trigonales, vel duorum vel trium trigonalium aggregata; quia cyphra etiam in ordine trigonalium reperitur, theorema ita enunciari poteſt, vt vt omnes numeri in tres trigonales reſolubiles dicantur. Quare ſi numeris trigonalibus pro exponentibus ſumtis formetur haec ſeries:

$$1 + x^1 + x^3 + x^6 + x^{10} + x^{15} + x^{21} + x^{28} + \text{etc.} = S$$

demonſtrari oportet, ſi huius ſeriei cubus euoluatur tum omnes plane poteſtates ipſius x eſſe occurſuras, nullamque omiſſum iri quod ſi demonſtari poſſet, haberetur demonſtratio iſtius Theorematis Fermatiani.

24. Simili modo ſi huius ſeriei

$$1 + x^1 + x^4 + x^9 + x^{16} + x^{25} + x^{36} + \text{etc.} = S$$

ſumatur poteſtas quarta, oſtendique queat, in ea omnes plane poteſtates ipſius x reperiri, habebitur demonſtratio huius Theorematis Fermatiani, quo omnes numeri ex additione quaternorum quadratorum reſultare ſtatuuntur. In genere autem ſi ponatur

$$S = 1 + x^1 + x^m + x^{3m-3} + x^{6m-8} + x^{10m-15} + x^{15m-24} + x^{21m-35} \text{ etc.}$$

huiusque ſeriei ſumatur poteſtas exponentis m, demonſtrandum eſt in ea omnes poteſtates ipſius x eſſe prodituras, ita vt omnis numerus ſit aggregatum

tum m numerorum polygonalium laterum numero exiſtente $= m$ vel pauciorum.

25. Ex iisdem principiis alia ſe offert via ad has demonſtrationes inueſtigandas, quae a praecedente hoc differt, quod vti ibi non ſolum diuerſitas partium ſed etiam ordo ſpectatur, hic ordinis ratio omittitur Pro reſolutione ſcilicet in triangulares numeros conſtituatur haec formula

$$\frac{1}{(1-z)(1-xz)(1-x^3z)(1-x^6z)(1-x^{10}z)(1-x^{15}z)\,\text{etc.}}$$

quae euoluta hanc praebeat ſeriem:

$$1 + Pz + Qz^2 + Rz^3 + Sz^4 + Tz^5 + \text{etc.}$$

ita vt P, Q, R, S, etc. ſint functiones ipſius x tantum Manifeſtum autem eſt fore:

$$P = 1 + x + x^3 + x^6 + x^{10} + x^{15} + x^{21} + \text{etc.}$$

at Q praeterea eas poteſtates ipſius x continebit, quarum exponentes ſunt aggregata duorum trigonalium. Demonſtrari ergo debet, in functione R omnes plane poteſtates ipſius x eſſe occurſuras.

26. Simili modo pro reſolutione numerorum in quaterna quadrata euoluatur haec fractio

$$\frac{1}{(1-z)(1-xz)(1-x^4z)(1-x^9z)(1-x^{16}z)(1-x^{25}z)\,\text{etc.}}$$

quae ſi abeat in hanc formam:

$$1 + Pz + Qz^2 + Rz^3 + Sz^4 + \text{etc.}$$

demonſtrandum eſt functionem S omnes poteſtates ipſius x complecti. Nam P aequatur ſeriei $1+x+x^4+x^9+x^{16}+$ etc. et Q praeterea eas continet poteſtates ipſius x, quarum exponentes ſunt aggregata duorum quadratorum, in qua ergo ſerie multae adhuc poteſtates deſunt. In R autem inſuper eae poteſtates, quarum exponentes ſunt aggregata ternorum quadratorum, aderunt; atque in S quoque eae; quarum exponentes ſunt ſummae quaternorum ita vt in S omnes numeri in exponentibus occurrere debeant.

27. Ex hoc principio definiri poteſt, quot ſolutiones problemata, quae ab arithmeticis ad regulam Virginum referri ſolent, admittat. Huiusmodi problemata huc redeunt, vt inueniri debeant numeri p, q, r, s, t etc. ita vt his duabus conditionibus ſatisfiat:

$$ap + bq + cr + ds \text{ etc.} = n \text{ et}$$

$$\alpha p + \beta q + \gamma r + \delta s \text{ etc.} = \nu$$

et iam quaeſtio eſt, quot ſolutiones in numeris integris poſitiuis locum ſint habiturae: vbi quidem tenendum eſt numeros a, b, c, d etc. n et $\alpha, \beta, \gamma, \delta$, etc. ν eſſe integros, quia niſi tales eſſent, facile eo reducerentur. Statim quidem apparet, ſi duo tantum numeri inueniendi p et q proponantur, plus vna ſolutione non dari, quae adeo, niſi pro p et q numeri integri poſitiui prodeant, pro nulla haberi ſolet.

28.

28. Iam ad numerum omnium ſolutionum quouis caſu definiendum, ne inductioni ſeu tentationi quicquam tribuatur, conſideretur haec expreſſio

$$\frac{1}{(1-x^a y^\alpha)(1-x^b y^\beta)(1-x^c y^\gamma)(1-x^d y^\delta) \text{ etc.}}$$

eaque euoluatur; vnde prodibit huiusmodi ſeries

$$1 + Ax^{\cdot\cdot}y^{\cdot\cdot} + Bx^{\cdot\cdot}y^{\cdot\cdot} + Cx^{\cdot\cdot}y^{\cdot\cdot} \text{ etc.}$$

in qua ſi occurrat terminus $Nx^n y^\nu$, coefficiens N numerum ſolutionum indicabit: ac ſi eueniat, vt hic terminus non occurrat, id indicio erit nullam dari ſolutionem. Totum ergo negotium in hoc verſatur, vt coefficiens huius termini $x^n y^\nu$ inueſtigetur.

DE